

---

## Давра суҳбати

### ҲАМКОРЛИҚДАГИ ТАДБИР

Тадбиркорлар ва ишбилармонлар ҳаракати – Ўзбекистон Либерал-демократик партияси Ёзёвон тумани Кенгаши, туман адлия бўлими, Ўзбекистон Республикаси Бош вазирининг Ёзёвон туманидаги тадбиркорлар мурожаатларини кўриб чиқиш қабулхонаси, туман Давлат хизматлари маркази ва туман Кенгаши депутатлари иштирокида Давлат хизматлари марказида “Пандемия даврида тадбиркорлар ва аҳолига яратилаётган имтиёзлар” мавзусида давра суҳбати бўлиб ўтди.

Ўзбекистон Республикаси Президентининг пандемия даврида тадбиркорларга берилаётган имтиёзлар ва аҳолининг ижтимоий ҳаётидаги ўзгаришларнинг бугунги ҳолати, муаммолари ва соҳани ривожлантириш истиқболларига бағишлаб ўтказилган мажлислардаги маърузаларида маъсул ташкилотлар олдида қўйилган вазифалар ва уларни бажаришга қаратилган чора-тадбирлар ҳамда аҳолига хизмат кўрсатишни, ушбу соҳадаги ҳукумат томонидан ишлаб чиқилаётган қонунларни амалиётга самарали татбиқ этишга кўмаклашиш мақсадида тегишли ташкилотлар ва жамоатчилик назоратини ташкил этиш вазифалари қўйилган эди.

Давра суҳбати давомида Давлатимиз раҳбари томонидан пандемия даврида тадбиркорларга берилаётган имтиёзларни тадбиркорлик субъектларига етказиш хусусида сўз борди.

Туман адлия бўлими бошлиғи Зухриддин Бўтабоев пандемия даврида тадбиркорлар ва аҳолига берилган солиқ имтиёзлари, бугунги кунда тадбиркорларга яратилаётган енгилликлар ҳақида сўзлади.

Туман Давлат хизматлари маркази бўлими бошлиғи Феруза Йўлдошеванинг эътироф этишича, бугунги кунда онлайн тарзда фуқароларга давлат хизматларини кўрсатишнинг йўлга қўйилганлиги ҳам яхши самара бермоқда.

Тадбирда туман Кенгаши депутатлари И.Шералиев ва М.Иномов ҳам ўз фикрларини билдириб ўтдилар. Партиянинг асосий электорати бўлган тадбиркорларни ҳамиша қўллаб-қувватлаши таъкидланди.

Бобуржон КОМИЛОВ, Тадбиркорлар ва ишбилармонлар ҳаракати Ўзбекистон ЛиДеп туман кенгаши раиси ўринбосари – аппарат раҳбари. ЁЗЁВОН ТУМАНИ ҲОКИМЛИГИ АХБОРОТ ХИЗМАТИ

2020-08-25 17:31:39